



Høyanger kommune Ordføraren

Olje- og energidepartementet

Sendt per e-post til:

postmottak@oed.dep.no

Høyringsuttale – Høyanger formannskap - NorthConnect

Noregs Vassdrags- og energidirektorat (NVE) har i si utgreiing om NorthConnect gjort ein analyse som konkluderer med at **«de norske kraftprisene vil øke med 1-3 øre per kwh i gjennomsnitt over kabelens levetid (40 år)»**.

Dette vil føre til auka kostnader for både privat og offentleg sektor, og for den enkelte privatabonnent.

Den kraftforedlende industrien sine rammevilkår er viktig for Høyanger kommune og andre liknande lokalsamfunn. Det er avgjerande at industrien i eit høgkostland som Noreg, ikkje vert påført auka kostnader i form av auka kraftpris og nettleige slik bygging av denne kabelen vil føre til.

Men også for anna næringsverksemd, særleg i Distrikts-Noreg, er det viktig å oppretthalde den fordelene det er at straumprisane ikkje aukar til eit mellom-europeisk nivå.

Det er mange planar for næringsetablering i Vestland som utløyser eit auka kraftbehov. I tillegg bør vår fornybare ressurs nyttast til å elektrifisere meir av industrien i Noreg. Høyanger formannskap meiner difor det vert uheldig å eksportere denne ressursen ut av landet.

Omstilling frå å vere sterkt prega av petroleum-verksemd, til å få fleire og andre bein å stå på, gjer dette spesielt viktig.

Høyanger formannskap vil derfor gå mot konsesjon til NorthConnect.

Med vennleg helsing

Petter Sortland
ordfører